

贛縣志卷四十三

人物志

寓賢

贛爲四達之區名賢之往來於南土者多羈寓焉唐宋廣平張曲江其著也有宋二程子師事濂溪於司理時眉山蘇氏父子則先後戾止明羅念菴鄒南皋等皆嘗於是講學後之人緬其流風遺韻每深高山景行之思正不徒侈麟遊鳳集增一邑之光也已

唐

張說字道濟洛陽人長安中爲鳳閣舍人張易之陷魏元忠援說爲助說廷對忤武后謫

嶺南留度寓紫極宮(唐書)

李嶠字巨山贊皇人舉制策甲科封趙國公特進同中書門下三品中宗崩嶠嘗密請相

王諸子不宜留京師及明皇嗣位獲其表張說言嶠誠悖逆順然爲當時謀吠非其主

贛

縣

志

卷四十三

寓賢

不可追罪天子亦顧念數更赦遂免聽隨子虔州刺史暢之官嶠富才思爲文章老宿一時學者取法焉(唐書本傳)

宋璟字廣平南和人開元中以廣州都督召拜刑部尙書過度寓豐樂寺(唐書本傳舊

志合輯)

張九齡字子壽曲江人以弟九皋任贛令留署凡治贛善政多其經畫

宋

程顥程頤河南人以父大中大夫珣知興國縣事皆侍學焉後珣攝南安倅識周敦頤於司理參軍命二子師事之敦頤每令尋孔顏樂處顥嘗曰自拜見周茂叔吟風弄月以歸有吾與點也之意

按澱水志林云侍大中在興國時明道年十三伊川年十二所謂濂洛淵源於是乎始也

包拯字希仁合肥人過度歸事邑人陳晦之於嶮峒山(舊志)



蘇洵字明允眉山人嘗遊虔與邑人鍾棐鍾概交善洵不飲酒每爲設醴其後洵子軾輒過虔必造庭訪棐與棐子志仁志行志遠敦通家之好(謝府志)

蘇軾字子瞻洵子紹聖元年秋以端明學士落職謫窮遠軍節度副使惠州安置留虔月餘與州人陽孝本孫志舉遊又與霍守渙莫及季侔廣和鬱孤臺詩元符三年復朝奉郎提舉成都玉局觀次年過虔留四十餘日寓居水南入郡城攜一藥囊遇疾者藥之每憩寺觀好事者多設佳楮墨置案上楮尾各書姓名拱立以俟公笑視略無所問縱筆揮染隨楮付人至筆倦則笑謂曰日暮矣恐小書不能竟或欲齋名及佛偈幸見語也人人忻躍謝去州人王原維揚呂倚皆與交有詩留別宋時建祠於光孝寺前今廢(謝府志)

呂倚字夢得維揚人少有聲場屋善屬對好收古今帖踏躓不偶老始以恩補瑞金簿致仕貧無以歸年八十餘惟有一女嫁贛人因居焉與王禹玉有舊元豐間餉錢二萬酒十壺倚作詩致謝隔句中用白水真人青州從事爲對禹玉極歎賞之東坡過虔遺之

贛縣志

卷四十三

寓賢

二

以詩

孔延之新喻人家貧好學夜燃松照讀日則戴經以鋤服膺周子以女妻邑人曾準嘗至虔同準就周子講學(舊志)

安福劉安世字平叔與邑人曾開友善發明理道宗旨後登紹興進士令零邑時開在朝世每過虔必躬詣曾宅祇袖鹽蔬一束餽問而已

胡巖起永康人嘉定進士知閩縣卓行危論奇文瑰句士大夫皆自以爲不可及其在江西幕平贛州之難於指顧間全活數十萬人子居仁淳祐進士知台州文辭政事亦傑出(萬姓統譜)

楊方字子直長汀人隆興初登第平生心慕朱子之學及調弋陽尉還道崇安參謁面受所傳而歸趙汝愚帥蜀徵之尋薦於朝召對擢宗正寺簿僞學禁興坐汝愚黨罷居贛州閉戶讀書自號淡軒嘉定更化召爲右侍郎官進考功郎不三月復積忤以去後累官值寶謨閣廣西提刑卒於象州宋時建祠與東坡並祀今廢(萬姓統譜參謝府志)



周必大吉水人嘗遊息壽量寺舊有祠祀之（解春兩集）

趙希泊宜春人宋宗室歷官戶部尙書咸淳中忤賈似道出爲廣東轉運使德祐元年制置使黃萬石檄其勤王得潰卒數百道經廬陵郡守邀其軍遂與從子必向避地贛州亂定歸里時袁守聶嵩孫希泊內嫻也勉之內款不屈文天祥兵敗於眞州與必向俱被執氣節愈厲家人饋食則碎器覆地不食死（宋史）

明

解縉字大紳吉水人永樂中嘗遊贛几寺觀俱有題詠（舊志）

邱濬字瓊山瓊人屢寓鬱孤臺歷遊勝境題咏甚多天啓間贛令邱爾謐卽其家孫（同上）

羅洪先字念菴吉水人嘗遊虔講學於鳳凰臺後建念菴祠於其上（同上）

鄒元標字南阜吉水人爲諸生時遊贛見郡邑胥役多奸猾虐民輒目睜髮指語贛人士曰吾得志時急爲爾贛除若輩俾民得聊生也後成進士觀政見編修吳中行等疏劾

贛縣志

卷四十三

寓賢

三

張居士受廷杖憤甚上疏亦受杖謫戍名震中外時移書虔撫王廷瞻檄郡邑緝奸猾胥役八人律處贛民自此安焉（同上）

陳際泰字大士臨川人甲戌會魁遊贛寓數月與邑人劉曰佺曰份講學論文邑鄉先生

謝鳳渚劉鼎梅傳志悉出其手（同上）

艾南英字千子東鄉人崇正乙亥寓贛邑人從遊者甚衆所作傳文誌銘頗多

國朝

郭林字人向泰和人孤介絕俗有潔癖終身不娶士論謂合元紫芝倪雲林爲一人居贛

七鯉鎮製葛帷讀書其中識累朝舊事編纂甚夥丁卯霖雨爲災室爲水淹藏弄縑緗漂盪拊膺而呼曰天祝予有安福吳雲者以詩名施閩章持節湖西重此二人目爲一狂一狷葺白鷺書院課諸士延林爲主席雲亦久客贛贛士學詩者多從之

符遡中失其里居廣東提學道也以過贛道梗寓贛城破與其兄述中死之

萬發祥名養正新喻人崇正進士改庶吉士甲申闖賊陷京發祥納粒飲藥不死賊執



而魯之降榜掠無完膚不爲動會賊敗去問關南旋寓居吉贛在贛參楊萬軍事城破殉節又新喻諸生蕭瑛廬陵諸生段之渾亦寓贛同殉(參通志)

鮑夔生字子韶歙縣人父叔裔舉禎末以孝廉令廣之始興遭亂棄官避地贛邑夔生少從父兵間嫻兵略意氣豪上所論交皆當世知名士縱遊吳越燕齊間丁巳從某都督征吉安戊午從尙之孝勦崖石及平閩汀緒賊壘後先以儒服借箸軍門談言微中脫善類於阨士論歸之(通志)

曾先慎字君有甯都人寓居贛上士大夫過雙水者莫不禮於其廬宋商邱肇灌關於贛尤與爲莫逆交

徐驥號壘翁高安人由庶常改官粵東知縣被議落職遣光庚寅歸過贛城養疴八境臺書蘇長公題八境圖詩於屏並題楹榜曰八境久名詩世界層臺待結畫因緣虔人爲摹刻之壘翁貌清腴能詩尤工詞曲(新增)

郁鼎鐘號彝齋嘉善人道光丙戌進士知泰和縣謝事後郡守王藩聘主陽明書院顏所

贛縣志

卷四十三

寓賢

四

居曰郁齋品端學醇衡文一出於正在學席三年論說疊疊多方訓導分修郡志考訂詳慎所選心香閣墨商及自著稿學者多宗之

黃之晉號少鐵丹陽人道光甲辰進士知南豐縣落職後客寓贛郡課徒自給問字者常滿戶蒙訓迪多脫穎去爲濂溪書院山長結雙江吟社與同志唱和求誌銘序傳者無虛日素多藏書精訓詁梓有鐵禪詩文集行世(同上新增)

